



KOMUNIKADO PA PRENSA

Fecha

25 di aprel 2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

PROYEKTONAN DI INFRASTRUKTURA KU A TUMA LUGÁ NA BANDA BOU DEN ÚLTIMO 4 AÑA.

Willemstad – Minister Suzy Camelia-Romer di Ministerio di Tráfiko, Transporte i Planifikashon Urbano huntu ku Servisio pa Obra Públiko, den su afan pa duna pueblo informashon kompletu i korekto, ta informá komunidat di tur e proyektonan di infrastruktura ku a tuma lugá den e área di Banda Bou den e último 4 añanan.

Na 2013, a hasi trabounan di mantenshon riba Kaminda pa Wilibrodus (Weg naar Wilibrodus)

Na 2014, komo parti di e proyekto Inhaalslag, a hasi trabounan di mantenshon riba Weg naar Westpunt for di Grote Berg te na Krakeel. Tambe a asfaltá kayanan den Dokterstuin, Groot Santa Marta i bisindario.

Na 2015, komo parti di e proyekto Inhaalslag, a kontinuá ku e trabounan di mantenshon riba Weg naar Westpunt for di Grote Berg te na Krakeel. Tambe a pone ‘wegmarkering’ riba Weg naar Westpunt i a pone infrastruktura pa e area di Wichita.

Pa loke ta 2016, e siguiente trabounan a sea kuminsá kaba, òf ta kuminsa pronto: 1) Mantenshon di Kaminda Popo Rojer, 2) Mantenshon di Weg naar Westpunt for di Chimi Wacawa te Westpunt, 3) asfaltá kamindanan na Bou Barber i bisindario, 4) i asfaltá kamindanan na Pannekoek i bisindario. Ku e ultimo trabounan aki, Minsiter Camelia-Römer ta tuma nota ku hopi satisfakshon, ku e área di Banda Bou for di Grote Berg te Wèspen, ta e área di Kòrsou kaminda gran mayoria di kamindanan públiko a ser mantené durante último 4 añanan.